

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

De Subdiaconis. Quando coeprit Subdiaconatus inter sacros ordines
recenseri. Quae sint officia Subdiaconi.

urn:nbn:de:hbz:466:1-10805

quam audaciam ipsa Synodus coercuit *can. 18.*
Insuper vetitum eis est *can. 15.* concilii II. Aurelianens. & *38.* Carthaginensis IV. ne praesente Presbytero corpus Domini Fidelibus traderent. In consecratione Christiatis, ac in omnibus ecclesiasticis officiis Episcopo afflissent, eidemque astant praedicanti. Eorum etiam munus est praedicare, quod tamen primariò Episcopis convenit: itemque baptizare, si Episcopo & Presbytero absentibus necessitas id postuleret, ut sanctum fuit in concilio Illyrianico *c. 77.* In solemnī vero baptismatis administratione ad ipsos spectat baptizandos instruere, & ad exorcismum, ac deinde ad immersionem detractis vestibus preparare. Secundariò autem & extra mysteria eorundem erat distribuere, ut supra diximus, eleemosynas, pauperum mensis ministrare, curam gerere Martyrum & Confessorum, qui in carcere ob Christi fidem detinebantur, eisque necessaria suppeditare; eorum vota & ultimam voluntatem excipere, & ad Episcopum deferre: ecclesiastica negotia apud Imperatorem procurare, sacris virginibus praefesse. Missos quoque Diaconos, ut Episcoporum absentium in conciliis vices gererent, ex ipso rum Actis constat, ejusque moris exempla afferuntur in *notis ad can. 7. Trullanum.* Denique Cyprianus epist. 13. permittit Diaconis penitentes reconciliare in absentia Episcopi & Presbyteri, eosque absolvere, non quidem sacramentaliter, sed à penitentia satisfactoriis, sive ab excommunicatione. Verba Cypriani hæc sunt: „Occursum puto fratibus nostris, ut qui libellos à Martyribus acceperunt & prærogativa eorum apud Deum adjuvari possunt, si incommmodo aliquo & infirmitatis periculo occupati fuerint, non expectata presentia nostrâ apud Presbyterum quemcumque presentem, vel si Presbyter repertus non fuerit, & urgere exitus coepit, apud Diaconum quoque exomologescit facere debet, licti sui possint, ut manu eis in penitentiam imponita veniant ad Dominum cum pace, quam dari Martyres literis ad nos factis desideraverunt. Quia vero Episcopi præcipua quæque per Diaconos agebant, hinc illi insolescere, se Presbyteris præferre, ante illos sedere ausi sunt, quorum superbiam sapientius carpunt antiqui Padres, & multoties Ecclesiastici canonibus reprehensa est: sed hæc omitto, quia prorsus parerga sunt.

Erant & Diaconissæ, de quarum ordinatione & ministeriis in utraque Ecclesia græca & latina crudite, ut solet, differit Morinus lib. de sacris

ordinat. p. 3. exercit. 10. Multa etiam scitu digna de his congerit Goar in euchologio in notis ad earum ordinationem. Munus illarum præcipuum fuit, ea mulieribus officia præstare, quæ Diaconi viris. Ideò portas custodiebant, per quas illæ ingrediebantur, earumque confessus in Ecclesia ordinabant: principia fidei & ritus baptismi eis exponebant, ipsisque aderant, cum ad immersionem nudabantur. Jussa Episcopi ad easdem referebant, & si aliqua veller Episcopum, Presbyterum, vel Diaconum alloqui, eam propter honestatis testimonium comitabantur. Viduorum quoque, & pauperum, sacrarumque Virginum simul cum diaconis curam gerebant. Ante annos ferè sexcentos cessavit in Occidente earum ordinationis & ministerium: in Oriente vero jam deficerat vivente Balsamone, ut ipse ait in *notis ad can. 15. concilii Chalcedon.* Multa de illis extant veterum canonum statuta, sed in his immorari non est huius loci. Licet enim, ut ait Ephiphanius hær. 79. Diaconissarum ordo in Ecclesia sit, non tamen ad sacerdotii functionem, aut ullam ejusmodi administrationem institutus est; sed ut muliebris sexus honestati consulatur. Extat earum benedictio in Ordine Romano, & in antiquis Ritualibus.

De Subdiaconis. Quando ceperit Subdiaconatus inter sacros ordines recensi. Quae sint officia Subdiaconi.

XVI. Secundus ministrantium locus Subdiaconorum est, quorum licet expressa mentio in sacris literis non reperiatur, eorum tamen institutio vel ad Christum, ut recentiores Scholastici existimant, vel ad Apostolos referenda est. Fuisse Romæ septem Diaconos, rotundemque Subdiaconos afferit Cornelius Papa in epist. ad Fabium Episcopum Antiochenum apud Eusebium lib. 6. hys. Eccl. cap. 43. Eo demæ Optatum quemdam in Africa Subdiaconum à se ordinatum scribit Cyprianus epist. 24. Eorundem mentionem faciunt Ignatius epist. ad Antiochenos, Constitutiones Apostolicæ lib. 8. & concilium Laodicenum. Ab initio & deinceps per aliquot sæcula Subdiaconus inter minores ordines numerabatur, nec etiam annexus erat cœlibatus. Quamvis enim concilium Illyrianum cap. 23. Subdiaconis indixerit continentiam, certò constat hanc legem nec alibi, nec in ipsa Hispania tunc fuisse receptam, ut Morinus demonstrat.

monstrat. p. 3. *Sac. ordin. exercit. 12. cap. 5.* Post sextum vero saeculum vix aliqua memoria Subdiaconorum reperitur, qui non fuerint continentiae voto adstricti. Et Romae quidem jam ab his continentia servabatur tempore Pelagii II. qui sub Subdiaconis Siciliæ præcepit, ut more Romanæ Ecclesiæ nullatenus suis uxoribus miscerentur, ut testatur Gregorius Magnus ejusdem immediatus successor *epist. 42. lib. 1. & 34. lib. 3.* A Romana autem ad alias Occidentis Ecclesiæ eadem institutio propagata est: qua occasione paulatim ceperit hic ordo à minoribus separari, & majoribus ac sacris accenseri. Nam cum prius extra sanctuarium & altare conferri solearet, invalidit postea quorumdam Episcoporum consuetudo, eum intra Missarum solemnia conferentium, & ita sensim majoribus æquiparatus est. Multum nihilominus tempus intercessit, antequam certa & inviolabilis lege inter sacros recensitus sit. Etenim Petrus Cantor, qui vivebat anno 1200, relatus à Menardo in lib. Sacram. pag. 280. ait: *De novo institutum est, subdiaconatum esse sacram ordinem.* Subdiaconi officia ex Romano Pontificali hæc sunt. Aquam ad ministerium altaris præparare, Diacono ministrare, Pallas altaris & corporalia ablucere, calicem & patenam in usum sacrificii diacono offerre, oblationes quæ veniunt ad altare suscipere, ut ex iis quantum satis est in altari ponatur. Eadem ferè referunt antiquissima Ritualia edita à Morino. Isidorus epist. ad Ludrifredum Cordubensem Episcopum ea sic recenset. *Ad Subdiaconum pertinet calicem & patenam ad altare Christi deferre, & levitis tradere, eisque ministrare: urceolum quoque & aquamanile & manutergium tenere Episcopo: Presbyteris & Levitis pro lavandis ante altare manibus aquam præbere.* Ad dit Alcuinus ejusdem ministerium esse, ut deferat Diacono linteum, super quod consecrandum est corpus & sanguis Domini: & ut peracto sacrificio, quæ superfuerint à diacono colligenda vel deportanda suscipiat. Olim nec calicem, nec patenam, nec oblationes in altari ponebant, sed hec omnia porrigebant diaconis, eisque serviebant intra Sanctuarium; sed ad altare minimè accedebant. De legenda ab illis epistola nihil legimus in antiqua eorum ordinatione, nec apud veteres scriptores: hoc enim munere Lectores fungebantur, ut suo loco ostendemus. Ex concilio IV. Carthaginensi constat licuisse eis vasa sacra contingere, sed vacua: nam cum corpus & sanguinem Christi continent, id il-

lis prohibitum fuit cap. 21. concilii Laodiceni, quo sanctitur, non oportere ministrum (id est Subdiaconum qui diacono ministrat) locum habere in Diaconis & sacra vasa tangere. Sic enim hunc canonem, & quidem recte, Balsamon interpretatur. Apud Græcos Subdiaconi extra Sanctuarium ordinationem suscipiunt, vasa sacra contingunt, sed non in Missarum solemnibus. Ipsa autem vasa abstergunt, ornant, disponunt, ut sacrificio apta sint. Jubente diacono profanos ab Ecclesia expellunt, cum scilicet diaconus dicit, ut catechumeni discedant. Portas Sanctuarii custodiunt, ne quis indignus ingrediatur: & propè illas commorantur, ut sint parati ad iussa diaconi capeunda; ad altare vero non accedunt. Tricerium & luminaria in sanctuario præparant, epistolam autem in Missa non legunt. Hæc sunt Græcorum Subdiaconorum munia ex Euchologio excerpta, ex quibus liquet eos à Latinis multum differe, nostrisque Acolythis magis quam Subdiaconis similes esse.

Minorum Ordinum antiquitas & origo.

Afferuntur de singulis veterum Patrum testimonia. Apud Græcos soli Lectores ordinantur.

XVII. **T**ertia classis ministrantium Clericos minorum Ordinum complectitur, Acolythus scilicet, Exorcistas, Lectores, & Ostiarios; quos antiquissimos esse, & ab Apostolis, vel ab immediatis eorum successoribus institutos Doctores scholastici assertunt, sed non probant. Suspiciatur Arcadius lib. 6. de Sacram. cap. 9. omnes minores ordines unica hypodiaconi voce à priscis Patribus comprehensos, eo quod diacono singuli subfessi; sed hæc levissima suspicio est. Eorum distincta mentio nec in actis aut epistolis Apostolorum, nec apud Patres primi & secundi faculti reperiatur. Constitutiones Apostolicæ, ex quibus testimonia pro aliquibus ex his Ordinibus accipiunt, posterioris ævi sunt, ut alibi diximus. Nec suffragatur illis epistola Ignatii ad Antiochenos, quam licet admittamus ut legitimam, contra quam sentiant Critici etodoxi, solidum tamen ex ea argumentum pro omnibus sumi non potest, quia nec singulos enumerat, & inter eos Laborantes recenset & Canores, miscens simul ordines & officia ecclesiastica;

P pp. 2